

## TONG YULDUZI

O'zbekiston bolalari va o'smirlarining gazetasi

Gazeta 1929 yil 1 avgustdan chiqib boshlagan

№ 7(66340)  
2002 yil 15 fevral, juma

Sotuvda erkin narxda

## Zahiriddin Muhammad Bobur tavalludining 519 yilligiga

1483 yilning 14 fevralida Farg'ona viloyatining poytaxti Andijonda Amir Temurning nabirasi Sulton Abusaid mirzoning

U naqadar sertashvish, notinch hayot kechirishiga qaramay, o'z davriga nisbatan yetuk bilim olib, jahonga mashhur «Boburnoma»ni yaratdi. Juda ko'plab g'azallar, ruboiylar, tuyuqlar fardlar yozdi. Butun umr Vatandan ayro yashagani bois, o'z asarlarida ona yurt sog'inchini, Vatanga sadoqat va yorga muhabbatni kuyladi.

## SHOX VA SHOIR

Jonindin o'zga yori vafodor topmadim,  
Ko'nglumdin o'zga mahrami asror topmadim.

Jonimdek o'zga jonni dilafgor ko'rmadim,  
Ko'nglum kibi ko'ngulni giriftor topmadim.

Usruq ko'ziga toki ko'ngul bo'ldi muftalo,  
Hargiz bu telbani yana hushyor topmadim.

Nochor furqati bila xo'y etmisham, netay,  
Chun vaslig'a o'zumni sazovor topmadim.

Bore boray eshikiga bu navbat, ey ko'ngul,  
Nechaki borib eshikiga, bor topmadim.

Bobur, o'zungni o'rgatako'r, yorsizki, men,  
Istab jahonni muncha qilib yor topmadim.

Barnoxon MAHAMAD XO'JAYEVA  
tayyorladi.

## ORZULARI OPPOQ QIZALOQ

Jajjigina qizaloq o'zbek, rus, ingliz, hind, xitoy tillarida qo'shiq kuylab, atrofdagilarni hayratga soldi. Jumladan meni ham. Sabrsizlik bilan kuyning oxirlashini kutib, uning yoniga bordim.

-Qizaloq, isming nima? Bunday ajoyib qo'shiqlar kuylashni senga kim o'rgatadi?

-Odila Qosimovaman. Oyim - O'zbekistonda xizmat ko'rsatgan artist Hurriyat Isroilova «Tanovvor» ashula va raqs ansamblida, dadam Ahmadjon Qosimov esa radioda rejissyor bo'lib ishlaydilar. Oo'shiq kuylashni, xorijiy tillarni ulardan o'rganaman. O'zim 426-bog'chaga boraman. O'rtoqlarim rosa ko'p. Ular bilan raqsga tushamiz.

-Taniqli san'atkorlar bilan hamkorlik ham qilayotgan ekansiz-a?

-Ha, Kumush Razzoqova, Nuriddin Haydarovlar bilan birgalikda «Men nechun sevaman O'zbekistonni» qo'shig'ini kuyladim. Tog'am - Anor Nazarov bilan birgalikda tayyorlayotgan qo'shig'imni esa Navro'zda kuylamoqchiman. Katta bo'lsam, xuddi onamdek san'atkor bo'laman...


-Orzularing hamrohing bo'lsin, Odila! - deya niyat bildirdim.  
Nodira MIRZAYEVA.



to'ng'ich o'g'li Umarshayx mirzo xonadonida jajjigina go'dak dunyoga keldi. Unga Muhammad Bobur deb ism qo'ydilar. «Bobur» so'zining ma'nosi sherdir. Keyinroq ulug'larga, shoxu shahzodalarga qo'shilib aytiladigan ismi sharif sifatida «Zahiriddin» deb qo'shib aytiladi.

Bolaligi asosan Axsikent va Andijonda o'tgan bo'lajak shoir ustози Xoja Mavlono Qozi qo'lida ta'lim olib, tarix, harb ishi, musiqa va adabiyot kabi ilmlarni puxta o'zlashtirdi.

Otasi to'satdan vafot etib, 11-12 yoshli Bobur taxtga chiqib, Farg'ona hokimiyatini boshqaradi. Shu davrdan boshlab hayoti jangu jadallarda, cheksiz g'am-alamlar girdobida o'tgan shoir «Boburnoma»da shunday yozadi: «O'n bir yoshimdan beri ikki Ramazon iyidini payo pay bir yerda qilg'on ermas erdim».



## MURABBIYDAN OMADI CHOPGAN

Bugungi hikoyamiz qahramoni Saidmurod Saidnabiyeu ham ana shunday yoshlikdanoq maqsad sari intilayotgan tengdoshlaringizdan biri. U poytaxtimizdagi 249-maktabning 2-sinfida yaxshi va a'lo baholarga o'qiydi. Shuningdek, mana ikki yildirki, O'zbekiston Milliy karate federatsiyasida shug'ullanib kelyapti. Saidmurodning ustozdan omadi chopgan. Unga karate federatsiyasi prezidenti Nurxon Nafasov murabbiylik qiladi.



Yaqinginada sariq belbog' taqib yurgan Saidmurod tirishqoqligi, o'z ustida tinimsiz ishlagani bois, kata usulini mukammal o'rganib, qizil belbog' sohibi bo'libdi. 2000-2001 yillar Saidmurod uchun omadli yillar bo'ldi. O'zbekiston chempionatida kata va kumite bahslarida qatnashib, kumush va bronza medallariga sazovor bo'ldi. Shuningdek, Malayziyada o'tkazilgan Osiyo chempionatida faol ishtirok etgan eng yosh karatechilardan biri bo'ldi. Endigina yetti yoshni

Yodimda bor, o'quvchilik villarimizda darsdan bo'shadik deguncha, apil-tapil ovqatlanib, ko'chaga oshiqardik. To shomgacha mahallani boshimizga ko'targudek bo'lib o'ynardik. Onalarimiz bazo'r uyga chaqirib olishardi. Qisqasi, bo'sh vaqtimiz serob, eng sevimli mashg'ulotimiz o'yin bo'lardi... Xo'sh, bugunning bolasi-chi, u nimalar bilan mashg'ul? Qiziqish va intilishlari, sevimli mashg'uloti qanday? U yoshlikning oltinga teng, g'animat damlar ekanligini, ko'cha changitib o'ynagandan ko'ra, bilimni boyitishi, dunyoqarashini kengaytirishi, biror hunarning boshini tutishi afzalroqligini yaxshi biladi. Istiqol tufayli yaratilgan imkoniyatlar, shart-sharoitlardan unumli foydalanadi. Qay biri til o'rganadi, boshqalari sport bilan shug'ullanadi. Oralarida adabiyotga, san'atga ixlosmandlari qanchadan-qancha.

## Bugunning bolasi

qilgandek bo'lasiz.  
- Saidmurod, sportdan tashqari yana nimalarga qiziqasan?

- Ingliz tilini o'rganyapman. Bu tilni yaxshilab o'rganib olishim kerak. Qachongacha chet ellarda tarjimon qidirib yuramiz.

-O'ynashga ham fursating bo'ladimi?

- Albatta, bo'sh vaqtlarimda Ziyoda opam bilan billiard, tennis o'ynaymiz, cho'milamiz. Mahalladagi o'rtoqlarim bilan

o'ynashga ham vaqt topaman. Kechqurunlari buvajonim Saidnabi xoji dodamdan ibratli hikoyat va rivoyatlar tinglayman. Ularning ma'nosini o'ylab yotib, uxlab qolaman.

- Ertalab barvaqt turish azob bo'lsa kerak-a?

- Yo'g'e, sportchilar uyquchi bo'lishmaydi...

- Qanday taomni xush ko'rasan?

- Oyijonim Dono opaning pishirgan ovqatlarini hammasini yaxshi ko'raman.

- Sport bilan shug'ullanish, chet el safarlari, O'zbekiston vakili degan yuksak nomga musharraf bo'lish, qanday yaxshi-ya! Ulg'aygach sportchi bo'lsang kerak-a?

- Sport jonu-dilim. Karate bilan shug'ullanayotgan tengdoshlarim orasida ustozimiz Nurxon aka Nafasovdek bo'lishni orzulamaydiganlar topilmasa kerak. Men ham ulardek qora belbog' sohibi bo'lsam, chempion bo'lib, yurtimiz dovrug'ini dunyoga yoysam deyman. Lekin

kelgusidagi orzuim biroz boshqacharoq, harbiy bo'lishni xohlayman. Karate bilan shug'ullanganim esa menga qo'l kelishiga ishonaman...

Mittigina Saidmurodning so'zlarini tinglar ekanman, ko'nglim tog'dek bo'ylab ketdi: Maqsadlari oydin, fikrlari teran, nigohlari o'ktam, odimlari ildam bugunning bolasi. Kelajagimizning ishonchli qo'llarda ekanligiga yana bir bor amin bo'ldim.

Feruza JALILOVA.



## SHE'RIYAT MULKINING SULTONI

Barcha maktablar qatori bizning maktabimizda ham ulug' bobomiz Alisher Navoiyning 561 yilligi keng nishonlandi. Bobokalonimiz ruhini shod etish maqsadida «She'riyat mulkining sultoni» deb nomlangan ko'rik-tanlov o'tkazildi. Bu tanlovga 9- «G» sinf o'quvchilari o'zlarining devoriy gazetalari hamda ajoyib g'azalu ruboiylari bilan, 9- «B» sinf o'quvchilari Navoiyning hayoti haqida hikoya qiluvchi sahna ko'rinishi bilan ishtirok etdilar.

Tanlovda barcha 9- sinf o'quvchilari faol qatnashishdi. Ammo g'oliblik 9- «A» sinfiga nasib etdi. Ularga maktab o'qituvchilari tomonidan Alisher Navoiyning kitoblari sovg'a qilindi.

Tanlov orqali biz she'riyat mulkining sultoni, ulug' bobomiz haqida ko'p ma'lumotlarni bilib oldik.

*Nafisa ABDUKARIMOVA,  
Toshkent tumanidagi  
G' Abdullayev nomli 22- maktabning  
9- sinf o'quvchisi.*

## XATLAR TEG GIREMONI



## MENING UCHTA BUVIM BOR

Prezident bobomiz ushbu yilni «Qariyalarni qadrlash yili» deb e'lon qildilar. Darhaqiqat biz buvi va buvajonlarimizni hamisha ardoqlashimiz, asrashimiz lozim. Ular bizdan faqat shirin so'z kutadilar.

Mening ham uchta buvijonim bor. Oyijonim bilan birgalashib har haftada ularni ko'rgani borib turamiz. Shunda buvijonlarim rosa xursand bo'lib ketishadi.

Ular biz - nevara va evaralarga yaxshi gaplardan, hadislardan, rivoyatlaru ertaklardan so'zlaydilar. Yaxshiligi yomonlik haqida gapiradilar. Yomonlikning umri qisqaligi, yaxshilik esa doimo g'olib chiqishini aytadilar. Biz ham doimo ularning gaplariga amal qilishga harakat qilamiz. Baxtimizga mehribon buvijonlarimiz omon bo'lishsin.

*Gulnoza ISLOMOVA,  
Hamza tumanidagi  
206- maktabning  
4- «V» sinf o'quvchisi.*

## SHOIR NOMIN YOD ETDIK

Bizning iqtisodiyot gimnaziyamizda «Navoiy va zamonamiz» deb nomlangan adabiy kecha bo'lib o'tdi. Tadbirimizga maktabimiz o'qituvchilari va ota-onalar ham taklif qilindilar.

Kechani 6- «A» sinf o'quvchilari Behzod Xudoyberdiyev va Azizaxon Qadamovalar olib bordilar. O'quvchilar ulug' siymoning hayoti va ijodi haqida hikoya qildilar, g'azal va ruboiylaridan yod oldilar. Uning g'azallariga bastalangan kuylarga bo'lajak raqqosa qizlar raqsga tushdilar.

«Alisher va mardikor» deb nomlangan kichik sahna ko'rinishini T. Eshmurodov, Sanjar Akromov va Zikrilla Mirmahmudovlar ijro etishdi. Kecha juda jonli va qiziqarli o'tdi.

Navoiy bobomiz o'zining o'tkir zakovati, jo'shqin ovozi, ilg'or g'oyalari va yaxshi hikmatlari bilan yosh avlodning komil inson bo'lishiga hamon hissa qo'shib kelyapti.

*Nodira MAHAMADOVA,  
Toshkent Davlat iqtisodiyot  
Universitetiga qarashli iqtisodiyot  
gimnaziyasining ona tili va  
adabiyot o'qituvchisi.*



## MEHMON- MEHMON O'YNADIK

Dam olish kuni ustozimiz bilan birga chorboqqa bordik. U yerda yaxshi dam olish uchun o'yinchoqlarimizni ham oldik. Men qo'g'irchog'imni, beshikchamu ko'rpachamni, Muxlisa o'yinchoq idish-tovoqlarini, Sevara koptogi va arqonini, Baxtinur esa mashinasini oldi.

Hammamiz mazza qilib «mehmon- mehmon» o'ynadik. Baxtinur mashinasida qo'g'irchog'imizni sayr qildirdi. Shu payt mashinasi ariqqa tushib ketdi.

Shunda Muxlisa shifokor, Sevara hamshira bo'ldi. Ular qo'g'irchog'imni tezda tuzatib berishdi. Men DAN xodimi bo'lib, haydovchini qattiq ogohlantirdim.

Yo'l harakati qoidalarini yaxshilab o'rganishlari va unga qat'iy amal qilishlari lozimligini tayinladim.

*Madina ABDOVOHIDOVA,  
Toshkent viloyati, Toshkent tumanidagi  
9- maktabning 2- «YE» sinf o'quvchisi.*

## NAVOIY GULSHANI

She'riyat mulkining sultoni, hazrat mir Alisher Navoiy bobomiz tavallud topgan kunni barcha she'riyat shaydolari qatori biz ham katta tantana qildik. Maktabimizda o'tkazilgan bayramda eng bo'sh o'qiydigan sinfdoshlarimiz ham bulbuligo'yoga aylanib ketishdi. Ustozimiz Dilbar opa bobomizning hayoti va ijodiga oid ma'lumotlar bilan tanishtirdilar, «Xamsa» dostonidan parchalar o'qib berdilar. Sinfdoshimiz Mirzohid Mirfayziyev Navoiyning bolaligi, Rustam Muhamedov esa yetuklik davri siymosini zo'r mahorat bilan yaratdilar. Malika Mirvaliyeva, Munira Xolxo'jayeva, Sobir Mamaraimov, Naima Yo'ldosheva kabi a'lochi o'quvchilarimiz shoirning g'azalu ruboiylaridan o'qidilar. Bayramimiz chin ma'noda Navoiy gulshaniga aylanib ketdi. Shunday buyuk bobolarning nabirasi ekanligimizdan faxrlanib o'tirdik.

*Sevara MIRZAYEVA,  
Yunusobod tumanidagi  
239 - maktabning  
4 - sinf o'quvchisi.*

Zahiriddin Muhammad Bobur adabiyot osmonida porlagan yorqin

yorqin yulduzni Hind sari yo'lladi. Ammo Hindistonda ham ilmga yo'g'rilgan nurlarini yanada charog'on qildi.

Biz Boburning vatani bo'lmish Andijon farzandi ekanligimizdan

## YORQIN

## YULDUZ



yulduzdir. Bu yulduzning porloq nuri moziydan hamon nur sochib, ilmga tashna dillarni, she'riyatga oshno qalblarni nurga burkamoqda.

Achinarlisi shundaki, taqdirning yovuz o'yini

faxrlanamiz, ulardek yorug' yulduz bo'lishga intilamiz. Zahiriddin Muhammad Bobur doimo faxrimiz va g'ururimiz bo'lib qoladi.

*Gulruhbegim ODASHBOYEVA,  
Andijon viloyati,  
Izboskan tumanidagi maktabning  
10- sinf o'quvchisi.*



## SOTIB OLDIK BOZORDAN

Dadam bilan bozordan,  
Sotib oldik bir sigir.  
Yuztalikdan o'ntasin,  
Sanab berdik birma-bir.


-Yana beshta olamiz,  
Shu narxda,- der dadam.  
Jami necha so'm,- deya,  
O'ylanib qoldim shu-dam.



16

## POLIZDA


Keng polizni  
Oralab,  
Tarvuz yig'dik  
Saralab.  
Tarvuz sig'mas  
Quchoqqa,  
Do'stlar keling  
Buyoqqa.  
Tanlab olib  
Biz birin,  
So'yib yedik  
Oh,- shirin.  
Dehqon bobom,  
Saidahmad,  
Bo'lsin doim  
Salomat!



15

## ALDOQCCHI

Ukangga ber deb oyim,  
Bergandi bir bosh uzum.  
Yesang tishing og'rir deb,  
Aldab yedim men o'zim.



8

## SURNAY

Do'stim Alim, beri kel  
Ko'rsatayin senga ishi:  
Qamishzordan ataylab  
Kesib olib bir gamish.  
Asta- sekin sindirmay,  
Yasab oldim men surnay.  
Sen ham keltir to'ringni,  
Kuyila, dilda boringni.  
Kuyingga men jo'ri bo'lay,  
Shodlikka shodlik ulay.  
Kuy taralsa, qir osha,  
Yangrab ketar dalalar.  
O'yinni ham boplaydi,  
Usta cho'pon bolalar.



23

## BARCHASI NECHTA

O'tar eshik oldidan,  
Qo'y, echkilar podasi.  
Sanab chiqdim barini,  
Yo'qnikan -a xatosil!

Yuzni qirgqa qo'shsam men,  
Chiqdi echkilar soni.  
Qo'y ulardan mingta ko'p.  
Barchasi nechta Sami?



24

## OY TUG'DI

-Har oyda bir ayatasiz,  
Oy tug'ibdi, deb oyi.  
Ko'rmadim bolalarin,  
Qayerda turar joyi.

-Yashashadi uzoqda,  
Ko'zlaring-chi ilg'amas,  
Oyisiga ergashib,  
Aslo, aslo yig'lamas.

Bir-biriga qarashar,  
Shunday odob yarashar.  
Opasi, singillarin,  
Sochlarini tarashar.

Faqat bita sir qoldi,  
Qayda oyrning bolasi?  
Balki yulduzlarningin,-  
Oyisining lolasi!

30

Buun umr ishehi kasbini  
ulug'lab kelgan Ernazar Ro'zimov  
adabiyot, she'riyat shaydosi handir.  
«Kungabogar»,  
«Tegimonchi»,  
«Tinchinagan Ergash» nomi to'planlari chop  
etilgan. Ayni paytda Turkiston shahrida isitqonati  
qilayotgan Ernazar ola ijod qitishni bir zum kanda  
qilmaydi. Samarali ijodi mahsuli sifatida «Paxta  
go'shig'iti», «Aqlli ayiq», «Turkiston va  
Robiyasultonbegim», «Ziyorachi sovg'asi», «Atiz  
qadanjolar» to'planlari chop etildi.

-Hayolda nimagaki erishgan bo'lsam, hammasi  
uchun ustozlarin Qudrat Hikmat va Mirtemir  
akalaridan minnadorman, - deydi shoir.

Turkistonda yashab yurgan kezlari o'zi  
muhandis bo'lib ishlagan zavodda «O'zbek  
madaniyati» markaziga tashabbuskor bo'lib, 10  
yil davomida unga raislik qildi, juda ko'p yoshi  
qalamkashlarini tarbiyaladi, kitoblarni  
chiqarishga yordam berdi.

Quyida e'tiboringizga shoir bobongiz  
she'rlaridan saralangan kitobehani havola  
qilyapmiz. Umid qilamizki, lo'in alifbosidagi  
kitoblaringiz safi yana bitaga ortadi.

### 17 SAYRA MENING BULBULIM

Bulbulim jon bulbulim,  
Xush yoqar gaysi gulim.  
Sayrasang butog'ida,  
Har kuni tong chog'ida.

Dunyoga nomi ketgan,  
Shuhrati oyga yetgan.  
Hur Vatan diyorimni,  
Hamdo'stlik shiorimni.

Qo'linga dutor olib,  
Jo'r bo'lib kuyga chalib.  
Yangratsam bog'lar aro,  
Yangrasin tog'lar aro.


Jon kirar dala, qirga,  
Suv to'lar Norin, Sirga.  
Yana qo'shiq to'qirdim,  
Senga tahsin o'qirdim.

### 14 QOVUN PALAK

(bolalar o'yini)

Qovun palak,  
Qovun palak,  
Chumak oldi.  
Chumak emas,  
Gurvak oldi.

Gurvak qovun,  
Shirin ekan.  
Safdan chiqsin,  
Qo'lim tekkan.



### 9 ONA ISTAGI

Uyga mehmon kelishin,  
Eshigan hamon.  
Oyim menga dedilar:  
Qizim Oyjaxon.

Eshik oldi, uy ichi  
Bo'lsin ozoda.  
Sof havoda dam olish,  
Juda mazza-da.

Xontaxtani olib chiq,  
Joy qil ayvonga.  
Ko'rpachalar solib so'ng  
Suv sep har yonga.

Aniq tursin gullarning  
Hidi dimoqqa.

### 22 QOCHOQLAR

(Bu she'r vaqinchalik qiyinchilikka  
chidamasdan ko'chib kelayotgan ba'zi  
yoshlarga bag'ishlanadi).

Qochoqlar hey, qochoqlar,  
Ayting gayga qochasiz.  
Tashlab ona yurtingni,  
Qaydan makon ochasiz.

Har yerni qilma havas,  
Bordir toshu torozi.  
O'z yurtini tashlamas,  
Yigildarning xo'rozi.



### 2002- YILNING BULOVI



Ernazar Ro'zimatov - 1933 yili Yassaviy vatani  
bo'lmish Turkiston shahrida dunyoga kelgan.  
Turkistondagi Hamza nomli maktabni tugatib,  
Toshkent Davlat Irrigatsiya va qishloq xo'jaligini  
mexanizatsiyalashirish institutiga o'qishga  
kirgan. 1959 yili institutni tamomlab, Chirchiq  
tizma GESida muhandis bo'lib ishlagan.  
Ernazar Ro'zimatov sheryat shaydosi. Bolalarga  
bag'ishlangan talaygina she'riy to'plamlar  
muallifi.

Bir kun emas, bir kuni-  
Orttirasan tashvishni.  
- Kasbim mening chopish, - deb,  
Qilaverma har ishni.  
Ajratoqchun jonimdan...

Terak deydi: - Men senga  
Dasta berdim tanimdan.  
Sen bo'lsang shay turasan,  
Ajratoqchun jonimdan...

Terakdan chir aylanib,  
Bolta turar shaylanib.  
Chopmoqchidir novdani,  
O'ylab ajab savdoni.

### 9 BOLTA VA TERAK

### 25 NECHA YULDUZ

Osmonda bor necha yulduz,  
Aytib ber-chi, singlim Qunduz.  
Hozir uyqum kelayapti,  
Sanab beray erta kunduz.

Sunbula-yu, cho'lponni  
Hulkar hamda Zuhrani.  
Tinchligini buzmaylik,  
Yo' b, b, gapimni yolg'oni.



## YUZTA G'OZ

29

Tizilishib turmadek,  
Uchayotgan yuzta g'oz,  
-Biz yuztammas, yuzdan oz,  
Omondan keldi ovoz.  
-Bilinga yetuk bo'lsang,  
Hisobga tetik bo'lsang,  
Topishmog'ni topib ko'r.  
Bizga bizcha qo'shilsa,  
Yana yarim, nimchorak  
Yana qo'shsang bita g'oz,  
Shunda yuz bo'lsak kerak.  
Bu jumboqni yechib boq,  
Taktor-taktor aytamiz,  
Bahor emas, kuz chog'i-  
Sen yechguncha qaytamiz.  
Xayr ko'kni to'ldirib,  
Uchayotgan gala g'oz.  
Jumboqni men yechaman,  
Bahor o'tmay kelmay yoz.

OLOV BO'LIB  
YONAMIZ

2

Mart oyi ayyomida,  
Onamni bayram ila  
Tabriklab, she'rlar o'qib,  
Dedik qo'shiqlar to'qib.  
-Oyi, Sizni sevamiz,  
Ko'taramiz biz boshga.  
E'zozlaymiz har doim,  
Kirsangiz ham ming yoshga.  
Yerda qolmas so'zingiz  
Nomingiz pok saqlaymiz.  
Har birtimiz shod etib,  
Burchimizni oqlaymiz.  
Siz hayotning ko'rkisiz,  
Siz-la obod xonamiz.  
Bir kun agar ko'rmasak,  
Olov bo'lib yonamiz.

BUTKUL  
ODAM

5

U smonali  
Kelib hali,  
Shoshib deydi:  
-Do'stim Vali,  
Fazokorlar  
Uchdi kecha.  
Keng olamni  
Quchdi kecha.  
Qani biz ham,  
Parvoz qilsak.  
«Tinchlik» so'zin,  
Oyga ilsak.  
O'qir edi,  
Butun olam.  
O'qir edi,  
Butkul odam.

TERBAK  
VA O'RIK

26

O'rikka,- dedi terak:-  
Baland mening bo'yim bor.  
Ko'pdan buyon men senga  
Aytmoqchi bir o'yim bor.  
Shoxlaringga yuk qilib,  
Nechun kirding hosilga.  
Menga o'sshab qad ko'tar,  
Agar kirsang sen tilga.  
-Lekin darrov shu bo'ydan,  
Ayt-chi, qani ne foyda?  
G'o'daygancha turasan,  
Egilmayin hech joyda.

## O'SAR BOBOM


18

Giyohlarni yig'ib tog'da  
Yurar tabib O'sar bobom.  
Bir ko'rgandan, qaysi dardga-  
Malhamligin aytar shu dam.  
Shifo izlab borsang agar,  
Joni dildan qabul etar.  
Ravshan etib xufton diling,  
Qadringga albatta yetar.  
Tabiblarning sir asrorin,  
O'qib olgan O'sar bobom.  
Hokim Luqmon ta'limotin  
Uqib olgan O'sar bobom.  
Giyohlarni yig'ib tog'da  
Yurar tabib O'sar bobom,  
Bir ko'rganda qaysi dardga,-  
Malhamligin aytar shu dam.

## QO'SHNI BOLA

13

Kaptar quvar Shodivoy,  
Gurs-gurs yurib tomda u.  
Shifirlarni sindirib,  
Go'yo bosar «tamg'a» u.  
Yomg'ir yog'sa, qor yog'sa,  
Tamg'alardan suv oqar.  
Uy ichini suv bossa,  
Ayting, u kimga yoqar.



Keltir olma, shaftoli  
Tez chiqib boqqa.

Yarqirasin, artib qo'y,  
Choynak, piyolang.  
Ochiq chehrada bo'lg'in,  
O'rgilsin onang.

Mevalarni saralab  
Likopchaga sol,  
Uzatilsa piyola  
Odob bilan ol.

Mehmon ko'ngli nozikdir,  
Xushgap bo'l qizim.  
Qulog'ingdan chiqmasin  
Men aytilgan so'zim.

## BOSHQO

12

Bir boshqoda,  
Qirqta don.  
Sanab chibdik,  
Biz obdon.

O'ntasida  
Necha bor?  
Aytib berchi  
Doniyor.



28

Atrof chaman,  
Shodlik bilan.  
O'tar har bir onimiz.  
Kuyga to'lsin deymiz doim,  
Bu yorug' zamonimiz.



3

### TURKISTON FARZANDIMAN

Dovrug'in bilur dunyo -  
Turkiston farzandiman,  
Saxiy quyoshi, serziyo -  
Turkiston farzandiman.  
Boshda do'ppi, egnida to'n -  
o'z begim nishonasi,  
Mehmoniga mehri daryo -  
Turkiston farzandiman.  
El suyanchi, fidoyi jon,  
xalqi uchun ko'ksi qalqon,  
O'g'lonlarin qaddi raso -  
Turkiston farzandiman.

Ulug' Ahmad Yassaviyning  
tuprog'ida izi bor,  
Xoki poyi to'tiyo -  
Turkiston farzandiman.  
Turkiy elatlar faxrisan,  
Ernazarning ko'ksi tog',  
Turgil jahon turguncha to -  
Turkiston farzandiman.

4

### NEGA SEN JIMSAN, O'ZING KIMSAN?

Yer harakatda,  
Qo'l harakatda,  
Ko'k harakatda,  
Cho'l harakatda,  
Sen nega jimsan?  
Zog' harakatda,  
Bog' harakatda,  
Oy harakatda,  
Tog' harakatda,  
Sen nega jimsan?  
Ayt o'zing kimsan?  
Soy o'zgaradi,  
Tosh o'zgaradi,  
Toy o'zgaradi,  
Qosh o'zgaradi.  
Nega bir qolipda,  
Turasan olifta.  
Ayt o'zing kimsan?  
Unsizsan jimsan.



27

### NAY CHALAMAN

Nay chalaman,  
Nay chalaman.  
Poda boqib o'tloqda,  
Kuyim borib  
Ulanadi  
Chuldiragan bulobqqa.  
Kuyim ketar  
Ufq'larga  
Yangrab dala, qir oshib,  
Baland tog'u,  
Qir o'log'u,  
Norin daryo,  
Sir oshib.  
Nay kuyiga o'yinga,  
Yaproq yozar lolalar.  
Shod bo'lishib,  
Shod kulishib,  
Terishadi bolalar.



20


### BIR CHAQIRIM

Bir chaqirim  
Ming bir qadam  
Har qadamda  
Tursa odam.  
Qancha bo'lar  
Odam soni?  
O'ylanmay tez-  
Avrigin G'ani.

11

### TO'G'RAB YEYMIZ QATIQQA

Dadam bilan hovlida,  
Belkurakda yer uydik.  
Qorqlarning orasin,  
Qadamlab o'ichab qo'ydik.  
Tuprogni so'ng tarmalab,  
Ekdik rediska, piyoz.  
Yetilganda qatiqqa,  
To'g'rab yesak bo'lar soz.  
Tumov, gripp senga aslo,  
Yaqinlashmay o'tadi.  
Tekkan bo'lsa agarda,  
Tanangdan tez ketadi.  
Rediska-yu piyozda  
Dardga maham modda ko'p.  
Tushimmaydi ba'zilar,  
Nima qilay sodda ko'p.



12

### TUMOV TEKKAN MASHINA

Nabiram Ravshanbekka  
O't olmasdan sovuqda,  
O'ynalardi mashinam.  
Yonimga kelib Ravshan,  
Hayron bo'lib der shu dam:  
-Nega motor o't olmas,  
Unga tumov tekkanni?  
Yo'talib ham qolibdi,  
Yo tamaki chekkanni?'

19

### YO'LI TOPILDI

Aka, uka zambilda,  
Suvog uchun tashir loy,  
Ukasi der:- Charchadim,  
Qo'l og'ridi, dam olay.  
-Unday bo'lsa zambilning  
Ortiga - der: - O'taqol  
Men oldinga o'tayin,  
Ortda picha sen dam ol.





### DURDONAXONGA

Qizim, bo'lding bir yoshlig',  
Toleing baxt quyoshlig'.

Biram tiyrak va quvnoq,  
Jajjigina qizaloq.

Biz uchun sen bir olam,  
Bo'lur deb katta odam.

Orzular tilar onang,  
Qo'lidan qo'yimas otang.

Senda- son ming o'rtoqlar,  
Barin Vatan ardoqlar.

Lekin hozir qo'ldasan,  
Emaklaysan, yo'ldasan.

Aziz bolalar! Siddiqxo'ja Shoshiy bobongiz kox ota  
avlodlaridan hisoblanadi. O'tgan asr boshida  
yashab o'tgan ajdodlarini bilgan, nafaqat oila shajarasi, balki  
Vatan tarixi, yurt tuprog'ini muqaddas sanagan Shoshiy  
bobongizning she'rlari ham, hayot yo'llari kabi saboq  
bo'larlidir. 1960 yildan buyon matbuotda she'r va maqolalari  
bilan qatnashib kelayotgan Shoshiy bobongizning «Bahor»

## AYYOMI MUBORAK, BOBOI

nomli ilk she'ri aynan «Tong yulduzi»da nashr etilgan. Uzoq  
yillar turli jabhalarda samarali mehnat qilib, ayni kunlarda  
farzandlari, nabiralari davrasida keksalik gashtini  
surmoqdalar. Tinib-tinchimas bobojonimiz ijod qilib  
charchamaydilar. «Tilla ko'zalar» deb nomlangan ikkinchi  
kitoblarini lotin va kiril alifbosida nashrga tayyorlab qo'ydilar.  
Poytaxtimiz Toshkentning aziz bolasi, yillar va yo'llar  
jamolida toblanib, mehnatda chiniqqan, zamonu zamin  
ilmida tiniqqan, shu kunlarda 65 yoshini tantana qilayotgan  
Shoshiy bobongizni nazmiy armug'onidan  
bahramand bo'ling va sevimli shoiringizga sog'lik-  
omonlik tilang.

## DILAFRO'Z

Jajji g'uncha, do'ndiq qizcha Dilafro'z,  
Davralarda sho'x yulduzcha Dilafro'z?  
Hur o'lkada yayrab- yashnab kamol top,  
Oqila-yu, yuzi kulcha Dilafro'z.

Sen yurganda gulzorlarda gul unsin,  
Otang-onang atrofingda o'rgilsin,  
Seni ko'rib dillar quvonchga to'lsin,  
Quvnoq, go'zal, shirin so'zcha Dilafro'z.

Senga, jonim, yuragimdan baxt tilay,  
Istagini bajarmoqqa shahd qilay,  
Istiqboling porloqligini men ko'ray,  
Kamol qoshli, ko'zcha Dilafro'z.

Shoshiy sen kamolingni o'ylaydi,  
Do'stlariga seni maqtab so'zlaydi,  
Senga umr, sog'liq va baxt tilaydi,  
Yashaybergin, jajji qizcha Dilafro'z.

### JAJJI CHAROG'BON

Tinchlikni bayroqdori  
O'zbekiston - Vatanim.  
Yoz, kuz, qishi, bahori,  
Hazon bilmas gulshanim.

Shu gulshanning erkasi,  
Sharafiman, shoniman.  
Kelajakning egasi,  
Bo'lg'usi posboniman.

### BOBOM KASBI

Suvchi bo'lganlar bobom,  
Shu ishdan chiqqan nom.

Raso sakson yoshida,  
Ko'rkam Niyozboshida.

Mashhur mirob bo'lganlar,  
Suv ilmini bilganlar.

Yerga suv taratganda,  
Shogirdga o'rgatganda

Derdilar: Bolalarim,  
Ulug', Oyxon tulporim.

Suv g'o'zaning qondori,  
Gurkirashda jonidori.

Suvga to'ysa g'o'zalar,  
Qaynar tilla ko'zalar.

Miroblik- ko'p maholdir.,  
Bu gaplari maqoldir.

Yodimdan chiqmas sira,  
Bo'lib qoldi xotira.

### Gulchehra

Rahimova 9 yoshda. U Farg'ona  
viloyati, Uchko'prik tumaniga  
qarashli Gul qishlog'ida yashaydi.

Tumandagi 9-o'rta maktab  
ularning uyi yonginasida  
joylashgan. Ammo u maktabga  
qatnay olmaydi. Maktabga  
qatnayotgan bolalarga, singlisiga  
juda-juda havas qiladi. Qaniydi, uning  
ko'zlari ham ojiz bo'lmaganida,  
o'rtoqlari qatori maktabga borardi,  
hamma- hammadan a'lo o'qirdi.  
Afsuski bu orzulari  
uning armoniga  
aylangan. Ota-  
onasi Tashkentdagi  
bolalar ko'z  
kasalliklari shifoxonasida bir necha yil  
davolatdilar. Muolajalardan so'ng  
biroz ko'ra boshladi. Lekin oradan bir  
oz fursat o'tgach u butunlay ko'rolmay  
qoldi. Mana endi Gulchehra ayasining  
mehr to'la ko'zlarini, dadasining oppoq  
orzularini qalban his qila oladi, xolos.  
Shunday bo'lsada u ruhan tetik, eng  
go'zal orzular bilan yashaydi.

- Maktabga borolganida edi, jon-  
diligim bilan o'qirdim. Kitob-  
daftarlarni avaylab-asragan,  
ustozlarimni e'zozlagan bo'lardim,-  
deya orzulaydi Gulchehra.

Bunday damlarda onajonisi uning  
oppoq orzulariga doimo sherik bo'ladi.  
Afsuski, na tuman, na maktab  
ma'muriyati ularning holidan  
xabardor bo'lishmaydi. O'tgan yili  
dadasini Toshkentga, ko'zi ojiz  
bolalar maxsus maktabiga kelib, rosa  
2-3 kun sarson bo'lib  
qaytishgandan buyon

Gulchehraning kayfiyati  
tushkun. O'shanda ularga: «Farg'ona  
shahrida ham yaqinda ko'zi ojiz bolalar  
maxsus maktabi ochildi» degan  
xushxabarni aytishgan ekan.

Quvonch qanotlariga bog'langan  
Gulchehra dadasini bilan yo'l  
mashaqqatini tortib, u yoqqa ham borib  
kelishdi. Hali maktab ishga tushmabdi.  
Uzzu-kun uyda o'tirib, zerikkanidan  
singlisidan ertaklar, she'rlar o'qib berishni  
iltimos qilib o'tiradi.

Sentyabr oyining oxirlarida  
ularning uyiga 9-  
o'rta maktab  
direktori Rustamjon  
Nizomov kirib keldilar. Onasi bilan  
suhat chog'ida unga moddiy yordam  
ko'rsatish va tuman Xalq ta'limi mudiri  
Abdulfattoh Dehqonov yordami bilan  
maxsus maktab -internatiga joylashtirish  
masalasi hal qilinganligini ham aytib o'tdi.  
Endi Gulchehra armonlarini unutib, orzular  
og'ushida yashaydi. Nasib qilsa, orzulari  
ijobat bo'lib, hayotida mo'jiza yuz beradi.  
Qo'li yengil shifokorlar unga albatta  
yordam beradilar. Agar avvalroq unga  
tuman rahbarlaridan muruvvat  
ko'rsatilganda edi, uch yil vaqtini bekorga  
o'tkazmagan bo'lar edi. Kim biladi deysiz,  
Gulchehrani bira to'la 3- sinfdan qabul  
qilishadimi yoki singlisi qatori 1-  
sinfami?.. Nima bo'lganda ham,  
tengdoshingiz Gulchehra endi maktab  
o'quvchisi bo'ladi. Umid qilamanki,  
vaqtlar kelib, uning ko'zi ko'rayotgani,  
maktabda a'lo baholarga o'qib yurgani  
haqida ham sizlarga albatta hikoya qilib  
beraman.

Ma'mura  
MADRAHIMOVA.

Adiba opa o'z xayollari  
bilan band bo'lib maktabga  
yetib kelganini ham payqamay  
qolibdi. Shu payt uch-to'rt nafar  
o'quvchilar oldidan chiqib qolib,

hammalari baravariga  
«Assalomu alaykum,  
ustoz» degandagina  
o'ziga keldi. Ularning  
salomiga mehr bilan alik  
olar ekan, xayolga  
cho'mdi. Qarang, qanday  
o'quvchilarim bor-a. Ular  
meni «ustoz» deb  
atashadi. Demakki,  
otalaridek  
ardoqlashadi...Axir, ustoz  
otangdek aziz, deb



so'ng xorijiy tillar  
bo'yicha mutaxassis  
bo'lgani boismi, maktabni chet  
tillariga ixtisoslashtirilgan maktabga  
aylantirishni orzu qildi. Lekin To'lqin  
aka Sultonovning so'zlari uni  
fikridan qaytardi:

-Adibaxon, bu maktab  
san'atga ixtisoslashtirilgan.  
Bundan keyin mana shu  
maktabni oyoqqa turg'azish  
sizning qo'lingizda,- degan edi.  
Shundan keyin Adiba opa yeng  
shimarib mutaxassislarni jalb qila  
boshladi. Xor jamoasi tashkil  
qilib, Soipa Axmedova,  
O'zbekistonda xizmat  
ko'rsatgan artist Temur  
Maxmudovlar bilan hamkorlikda  
shartnoma asosida ish boshladi. Ishning  
natijalari juda yaxshi

bejiz  
aytilmagan-ku!

...Mana, o'qituvchilikdan direktorlikka  
o'tganimga ham ancha yil bo'libdi.  
Farg'ona pedagogika institutini nemis tili  
fakultetini bitirib, o'rta maktabda dastlabki  
qadamlarini tashlab o'qituvchi degan  
nomga sazovor bo'lgani, taqdir taqozosi  
bilan azim Toshkent shahriga kelib Sirg'ali  
tumanidagi 6-o'rta maktabda ish  
boshlagani, Xalq ta'limi bo'limida horijiy  
tillar uslubchisi bo'lib ishlagani, keyin  
Sirg'ali tuman xalq ta'limi bo'lim mudiri  
To'lqin aka Sultonov tavsiyasi bilan o'zi  
ishlayotgan 104-o'rta maktabning  
rahbarligiga tavsiya qilinishi bir-bir  
ko'z oldidan o'tdi. Dastlab,  
maktabga rahbar bo'lgandan

muvaqqiyatlar

keltirdi. Shu maktab  
o'quvchilarining aksariyati hozirda  
san'at va turli oliygohlarda o'qish  
baxtiga muvaffaq bo'lishdi. Hozir  
maktabda maqom, xor, raqs, dutorchi  
qizlar to'garaklari ishlab turibdi. San'at  
har tomonlama barkamol va yetuk  
insonlarni yetishtiradi, deb bejiz  
aytishmagan. San'atga oshufta  
ko'ngillarda g'ubor bo'lmaydi. Shuning  
uchun ham bu maktabda xulqi  
yomon o'quvchining o'zi yo'q.

Tuhfaniso  
ORTIQBOY qizi.

Aziz bolajonlar, orangizda suratdagi chehrasidan nur yog'ilib turgan shoir bobongizni tanimaydiganlar, ularning qiziqarli, sho'x va quvnoq she'rlarini o'qimagan, yod olmaganlar topilmasa kerak-a? O'zbekiston Xalq shoiri Po'lat Mo'min bobomiz «Istiqlol umidlari» to'garagimiz mehmoni bo'lganlarida, bolalarning quvonganlarini bir ko'rsangiz edi. Bobolari atrofini qurshab olib, «Ilk she'ringizni qachon yozgansiz?», «Parpining harfi» she'ringiz kimga bag'ishlangan?», «Salimjon - nimjon» she'ringizning qahramoni kim?» deya savollarga «ko'mib tashlashdi».

- Bolajonlarim, men bir boshdan so'zlayveraman, savollaringiz javobini esa o'zingiz topib olavering, -deya so'z boshladilar bobomiz.

- Men o'z ijodimni maktablar, saroylar qoshida faoliyat ko'rsatgan to'garaklarga qatnashdan boshlaganman. Bizga sevimli shoirimiz Quddus Muhammadiy rahbarlik qilardilar. To'garakka oz yozganu soz yozgan bolalar shoiri Quddus Hikmat, ko'p qirrali shoirimiz Sulton Akbariy, jurnalistika sohasining olimi To'g'on Ernazar, san'atkor Ubay Burxon va boshqa ko'plab ijodkorlar bilan birga qatnaganmiz. 7 - sinfda o'qib yurgan kezlrimda «Bahorga sayohat» nomli ilk she'rim «Armug'on» nomli jurnalda bosilgan. «Sayrang qushlar» nomli birinchi kitobim esa 1949 yilda chop etilgan. Shu-shu siz bolajonlarga atab ijod qilib

kelaman. Bolalarga yozishimning asos maktabi - ijod maktabim mana shu qadrdon go'sha - «Tong yulduzi» gazetasi bo'lgan. Adabiyotimizning ulug' vakillari bilan ham aynan shu dargohda tanishganman. Ulardan ta'lim oldim, o'rgandim. Menga ustozlik qilishdi, boshimni silashdi. G'afur G'ulom, Oybek, Shayxzoda, Mirtemir, Turob To'la, Shuhrat, Ramz Bobojonlar bilan ijodiy hamkorlik qildim. Har bayramda ustoz G'afur G'ulomdan she'r «undirish» mening zimmamga tushardi. Ustoz shunday ijod qudratiga ega ediki, xontaxta atrofiga o'tirib olib,

«xosh, Po'latjon, bugun qanday she'r yozamiz? deb so'rardilar. Mavzuni aytishim bilan ko'z o'ngimda she'r yozib berardilar. Shu yoshga kirib, bunday iqtidorli shoirni uchratganim yo'q. Sanab chiqsam, 14 ta she'r «undiribman»...

Hozir ham gazeta qoshida to'garak ochib, savobli ishga qo'l uribsizlar. Chunki xalqimizga yangi iste'dodlar kerak. Ularni voyaga yetkazishga ko'maklashish ham savobdan-savob. Endi umidimiz siz yoshlardan. Adabiyot maydoni juda keng, chegarasi yo'q uning. U shunday ummonki, undan bilim olgan bilan kamaymaydi, qo'shgani bilan to'lmaydi. U shunday gulzorki, gul ekib, gulini terish kerak, aridan nektarinini shimib, asal degan asar yaratish kerak...

So'ngra shoir bobomiz navbatni to'garak qatnashchilariga berdilar, ularning she'ru hikoyalaridan tingladilar.



## USTOZ PO'LAT MO'MINGA

Shoir bobom Po'lat Mo'min, Barcha o'qir kitoblarin. Bizlar doim ibrat olib, O'rganamiz odoblarin.

Qiziq-qiziq kitoblarin, Qo'limizdan qo'ymagaymiz. Takror-takror o'qisak ham, Ma'nosiga to'ymagaymiz.

Vatan ishqin kuylaydi u, Yaxshilikdan so'zlaydi u, Odob, ahloq, hikmat ila, Kelajakka chorlaydi u.

Men ham shoir bo'lay deyman, Bobo, sizdek buyuk shoir. Niyatlarim juda katta, Barcha sevgan suyuq shoir.

Mahmudjon AZIMOV,  
Shayxontohur tumanidagi  
169 - maktabning  
5 - sinf o'quvchisi.

## YURTGA POSBON BO'LAMIZ

O'g'il-qizing - suyanching bor, Posboning naqd O'zbekiston. Boshimizda o'zing tursang, Bizlarga baxt O'zbekiston.

Keng bag'ringda yayrab, yashnab, Kamol topay O'zbekiston. Ne xizmating bo'lsa, buyur, O'zim chopay O'zbekiston.

Diyora AKBAROVA,  
Toshkent viloyati, Toshkent  
tumanidagi 9 - maktabning  
8 - sinf o'quvchisi.

## SHE'RIY TOPISHMOQ

Shakarmi u yoki un, Yog'adi kecha-yu kun. Ezganda g'ichirlaydi, Nima deb pichirlaydi? Ayting-chi javobini, Kim biladi nomini? (O'z)

Husniddin A'zamjon o'g'li,  
Andijon viloyati,  
Shahrixon shahri.

## IZLAYMAN

Boshga tushganda mushkulot, tugun, Yuragim yemirsa alamli bir un, Hech kim tushunmasa qalbim ushbu kun, She'riyat, bag'ringdan panoz izlayman.

Maqsadim atrida sarosar o'zim, Yiroqlardan boqqan olis yulduzim, Dil kulsa, yig'lasa magar yolg'izim, She'riyat, bag'ringdan panoz izlayman.

Ezgulikka bitilsa achchiq haqorat, Vujudni qamrasa shirin harorat, Eng laziz onlarda eng suyuq odat, She'riyat, bag'ringdan panoz izlayman.

Visol sharbatini dilda no'sh etsam, Hijron og'usidan hushni yo'qotsam, Magar yulduzimdin ham ayro qolsam, She'riyat, bag'ringdan panoz izlayman.

Nargiza PAYZIYEVA,  
Alisher Navoiy nomli respublika Naftis  
san'at litseyi talabasi.

## O'ZBEKISTON

Istiqloling qo'lga kiritding bugun, Bobolarim orziqib kutgan zamonim. Mustaqil bo'lib tanilgan yurtim, Azoblari ortda qolgan Turonim.

Buyuk yo'lga chiqdi katta karvoning, Chet ellarda hilpirar sening bayrog'ing. Jahon bozorida paxta, bug'doying, Gurkirab yashnaydi bugun har yog'ing.

Dono yo'l boshchisi bordir yurtimning, Elim deb, yurtim deb yonib yashaydi. Uning mehnatidan, g'amxo'rligidan, Diyorim kundan-kun gullab yashnaydi.

Yurtim, tinchligingni, obodligingni, Ko'rolmay chang soldi ayrim kimsalar. Begunoh insonlar qoni to'kildi, Niyatga yetolmas harchand qilsalar.

Chunki biz Vatanga qalqon bo'lamiz, Har qarich yerini yovdan saqlaymiz. Ona xalqimizning ishonchin oqlab, Bergan aziz nonu tuzin oqlaymiz.

Yulduz BOZOROVA Safar qizi,  
Qashqadaryo viloyati, Kasbi tumanidagi  
1 - o'rta maktabning 9 - sinf o'quvchisi.

Bir bor ekan, bir yo'q ekan. Katta moviy dengizda tanga baliq bolalari bilan yashar ekan. Baliqchalar suvda mazza qilib suzishar, shirin ovqatlar topib yeyishar ekan. Bir kuni kenjatoy baliqcha zerikibdi. Aka-opalariga

injiqlik qilib yig'layveribdi. Akalari uni ovutib, o'ynatibdilar. O'jar baliqcha uzoqroqqa borib

bo'lganliklari uchun uning gaplarini eshitmabdilar. Dengizdagi katta baliqlar esa tayyor o'ljani ko'rib, og'izlarini katta ochib kela boshlabdilar. Shu vaqt uning onasi va

o'ynashni xohlabdi. Akalarining gapiga quloq solmay suzib ketibdi. Ular ukasiga:

- Uzoqqa borma, adashib qolasan! - deb qancha gapirsalar ham o'jarlik qilib suzishda davom etibdi. Suzib borib dengiz chirmoviqclariga ilinib qolibdi.

- Akajonlar, qutqaringlar! - deya yordam so'rabdi yig'lab. Ammo akalari ancha uzoqda

akalari kelib qolishibdi. Ular chaqqonlik bilan chirmoviqni tishlab uzishibdi va baliqchani qutqarib olishibdi. Ular juda tez suzib ketishibdi, katta baliqlar yeta olmabdilar. Shu-shu baliqcha kattalarning gapiga quloq soladigan, o'jarlik qilmaydigan bo'libdi.

Malika  
RAHMONBEKOVA.



O'zbekiston bolalari  
va o'smirlarining  
gazetasi

Muassislar:  
O'ZBEKISTON  
RESPUBLIKASI  
DAVLAT MATBUOT  
QO'MITASI,  
O'ZBEKISTON  
RESPUBLIKASI  
XALQ TA'LIMI  
VAZIRLIGI,  
«KAMOLOT»  
YOSHLAR  
IJTIMOIY  
HARAKATI,  
«SOG'LOM AVLOD  
UCHUN» XAYRIYA  
JAMG'ARMASI

BOSH MUHARRIR:  
Umida ABDUAZIMOVA  
TAHRIR HAY'ATI:  
Shuhrat AHMEDOV,  
Jamoliddin FOZILOV,  
Oynisa  
MUSURMONOVA,  
Qahramon  
QURONBOYEV,  
Feruza JALILOVA  
(Bosh muharrir  
o'rinbosari),  
Po'lat MO'MIN,  
Mukarrama  
MURODOVA,  
Tohir MULLABOYEV,  
Ergashvov SARIQOV.

Noshir  
«Ijod dunyosi»  
nashriyot uyi.

Gazeta «Ijod dunyosi»  
nashriyot uyi kompyuter  
bo'limida terib  
sahifalandi.  
Hajmi A-3, 2 bosma  
taboq.  
«Sharq» nashriyot-  
matbaa aksiyadorlik  
kompaniyasida 46.291  
nuxxada ofset usulida  
bosildi.

Korxonalar manzili:  
«Buyuk Turon»  
ko'chasi, 41.  
Buyurtma № F-165  
Gazetani  
Muhabbat  
MAXSUDOVA  
sahifaladi.  
Navbatchi:  
Feruza ODILOVA

Ro'yxatdan o'tish  
tartibi № 000137  
Manzilimiz: 700129,  
Toshkent shahri,  
Navoiy ko'chasi,  
30-uy.

Tel: 144-62-34,  
144-63-08